

famblen/ vnd geizig zu werden/ vñ zu wachssen/ oder auffzustehen mit kräftten der Menschen.

Das dritt facies ist Mercurij/ vnd ist eines allters/ schwachheit/ faulkeit/ vñnd schadhaffter glieder/ von wegen der krankheiten/ Baum aufzureißen/ vnd die verhergungen zerschlaiffen.

Das erst facies der Wag ist Lunæ/ vnd ist der rechten gerechtigkeit vnd warheit / vnd zuziehen die starcken bösen von den schwachen / vnd den armen vñnd ellenden zuhelffen / vnd ist ein facies vollkommener natur vnd gestalt.

Das ander facies ist Saturni/ vnd ist einer rüwigkeit vnd vberflüssigkeit / vñnd ist eines rüwigen vñnd sichern lebens.

Das dritt facies ist Iouis/ vñ ist gefressig / vnzüchtiges vnkeüisches lebens / zauberisch / vñnd ist nach zuzolgen bösem geschmack.

Das erst facies Scorpionis ist Martis/ vnd ist vollkommen in seiner natur vnd gestalt / vñ ist zänckisch / traurig / betrüglich / verderblich vnd neydisch.

Das ander facies ist solis/ vnd ist vbel vnd zanck anzurichten vnter den menschen / vnd ist zubehalten den zanck / so sie angefangen haben.

Das dritt facies ist Veneris / vnd ist des kriegs vnd füllerey / vnd grewligkeit / vñnd ist vnkeüisch treyben mit zorn vnd hochfart.

Das erst facies des Schützen ist Mercurius / vnd ist keck zu freyheit vnd krieg.

Nim ij Das